

Statüts  
dal *Cor mixt da Samedan*

## **I. Mera da la societad**

**Art. 1** Il *Cor mixt da Samedan* chi existiva già aunz l'an 1895 (viavaunt suot il nom "Coros da chaunt" cun administraziun cumünaivla cul Cor da damas e il Cor viril), acceptet zieva la sortida dal Cor viril il nom ufficiel *Cor mixt da Samedan* ed as det cun data dad hoz novs statüts.

11 Cor mixt fixet scu sia mera 1a cultivaziun da1 chaunt e da 1a vita socie1a. Quista mera dess gnir raggiunta:

- a) tres exercizis da chaunt regulers;
- b) tres producziuns da chaunt publicas;
- c) tres 1a partecipaziun a festas da chaunt chantunelas e regiunelas;
- d) tres reuniuns 1ibras, excursiuns e viedis.

## **II. Commembers**

**Art. 2** 11 *Cor mixt* as cumpuona da commembers activs, passivs, commembers onuraris, commembers libers e veterans. El fuorma üna secziun da l'Uniun da chaunt districtuela d'Engiadin'ota e da l'Associaziun da chaunt chantunela e svizra.

**Art. 3** Persunas chi sun our d'scou1a (16 ans) paun dvanter commembers dal cor. A nu vain dumando üngüna taxa d'admissiun.

**Art. 4** Davart l'admissiun da commembers passivs decida la suprastanza. Commembers passivs haun entreda libra tar concerts.

**Art. 5** Sün proposta da la suprastanza paun gnir numnos scu **commembers onuraris:**

- a) cornmembers activs zieva avoir fat part activmaing al cor düraunt 25 ans;
- b) persunas chi s'acquistettan merits particulers pel cor in speciel, ubain pel chaunt in generel. L'onurificaziun segua sün proposta da la suprastanza tres la radunanza generela.

Scu **veterans** vegnan designos commembers activs zieva avoir fat part al cor düraunt 20 ans. (Dal rest velan las dispusiziuns da l'Associaziun chantunela da chaunt.)

Scu **commembers libers** vegnan numnos commembers activs chi infra 10 ans frequentettan almain **düraunt 5 ans tuot ils exercizis** ed arrandschamaints da la societad.

**Art. 6** La sortida dal cor segua in basa ad üna comunicaziun inoltreda per scrit al president chi lascha piglier a protocol la decisiun.

Mincha commember chi sorta, renunzcha a tuot la proprietad da la societad ed ho da restituir ubain da pajer a medema tuot las notas arvschidas.

**Art. 7** Ad es ün dovair d'onur da frequenter reguler- e punctuelmaing tuot ils exercizis ed arrandschamaints obligatorics. La suprastanza assumma la controlla da las absenzas. Scu commembranza activa per dvanter veteran, vela la partecipaziun ad almain 50% da tuot las provas e da tuot ils arrandschamaints da minch'an da chaunt.

### **III. Davart la frequenza dals exercizis**

**Art. 8** La societad as raduna per regla üna vouta l'eivna a las provas da chaunt. Il dirigent, da perincletta cul president, po fixer eir provas da chaunt extraordinarias.

L'an da chaunt düra dals 1. october fin als 30 meg. In cas excepziunels decida la radunanza otramain.

**Art. 9** L'ls exercizis da chaunt d'esser gnir resguardadas minuzchusamaing las dispuziziuns da il dirigent, taunt inavaunt cha medemas concernan il stüdi da las chanzuns. Buna disciplina es indispensabla.

### **IV. Administraziun**

**Art. 10** L'an da gestiun cumainza als 1. october e glivra als 30 settember.

La societad tscherna mincha duos ans (in occasiun da sia radunanza generela ordinaria) per l'administraziun da sieus affers:

- a) 1 president;
- b) 6 commembers da la suprastanza chi as constitueschan sves;
- c) 1 dirigent ed 1 vicedirigent chi, ex officio, faun part a la suprastanza ed a la cumischiun da musica. Il dirigent po eir gnir impiego.
- d) 2 revisuors da quint ed 1 suppleant;
- e) 2 archivars

Mincha commember es oblio d'accepter üna eventuela tscherna per la düreda d'uffizi da duos ans.

**Art. 11** La **suprastanza** chi's raduna sün bannida tres il president, evada ils affers curreints. Ella survaglia attentamaing la societad e guadagia sieus interess. In dumandas finanzielas chi surpissan frs. 1'000.-- ho ella da preschanter sias propostas a la societad per la deliberaziun.

**Art. 12** Il **president**, in cas d'impediment il vicepresidente, maina las tschantedas da la suprastanza e da la societad e rapreschainta medema vers l'exteriur.

**Art.13** Il **vicepresident** rimplazza al president el güda inua cha bsögn fo.

**Art.14** L'**actuar** maina il protocol davart las tractandas e decisiuns da la societad e da la suprastanza e, da perincletta cul president, evada las correspundenzas necessarias.

**Art.15** Il **chaschier** effettuescha tuot ils inchaschs e pajamaints da contribuziuns ordinaras ed extraordinarias (chascha da viedi) e maina ün cudesch da controlla dals commembers (cudesch d'etat).

**Art.16** L'**assessor** maina la controlla precisa davart la preschentscha als exercizis ed als arrandschamaints.

**Art.17** Il **dirigent**, in cas d'impedimaint i1 vicedirigent, maina i1s exercizis, pisserescha per las chanzuns e skizza i1s programs. Quetaunt da perincletta cu11a cumischiun da musica. La demischiun da1 dirigent stu esser cuntschainta a1main ses mais ouravaunt.

**Art.18** Ils **archivars** mainan ün register da las notas (fögls) chi sun avauant maun, da l'ulteriur inventar da la societad e tegnan üna controlla davart ils fögls consegnos als commembers. Düraunt las prouvas da chaunt pissereschan eis per la distribuziun dals fögls.

**Art.19** Ils **revisuors** da quint haun dad examiner i1 quint mno da1 chaschier e da rapporter davart tel a 1a radunanza genere1a ordinaria.

## **V. Finanzas**

**Art. 20** Mincha commember, cun excepziun da veterans, commembers onuraris e libers, peja üna contribuziun annuela chi vain fixeda da la radunanza genere1a per l'an da gestiun curraunt. Per musicalias novas vain inchascho üna contribuziun.

Giarsuns, students e scolars pejan la mited da la contribuziun ordinaria e da las musicalias. Las guelas stöglian però gnir returnedas in sortind dal cor.

Per arrandschamaints speciels va in fundo üna chascha da viedi.

## **VI. Affers da la societad**

**Art.21** Minch' an in october ho lö la radunanza genere1a ordinaria per evader ils seguaints affers:

- a) Tscherna da duos scrutinaduors;
- b) Prelecziun dal protocol da l'ultima radunanza genere1a;
- c) prelecziun dal rapport annuel dal president;
- d) approvaziun dal quint chascha;
- e) rapport dals revisuors da quint;

- f) Statistica;
- g) mutaziuns;
- h) fixaziun da la bunificaziun pel dirigent e dal vicedirigent, scha vain inoltro üna proposta per quetaunt;
- i) fixaziun da la contribuziun annuela dals commembers activs e passivs;
- j) tschernas (mincha duos ans u scha fo dabsögn ) dal president, da 4 commembers da suprastanza, dal dirigent, dal vicedirigent, dals revisuors da quint e lur suppleant, da la cumischiun da musica, da la cumischiun da divertimaint, dals archivars, dal bandirel e sieu suppleant;
- k) onurificaziuns;
- l) fixaziun dal local e da la saira d'exercizi;
- m) propostas da 1a suprastanza e da singuls commembers;
- n) Program da lavur dal dirigent;
- o) varia.

L'invid per la radunanza generela ho da gnir emiss desch dis ouravaunt.

**Art.22** Affers dad evader i'l cuors da l'an vegnan trattos in occasiun da las provas da chaunt.

## **VII. Dumandas generelas**

**Art.23 11** *Cor mixt* chaunta eir:

- a) per nozzas e funarels da sieus commembers activs ed onuraris, fintaunt cha quistas casualiteds haun lö a Samedan, ubain in prosma vicinanza;
- b) per la festa dal bös-chin a l'Qspidel circuitel;
- c) per evenimaints speciels (per exaimpel Festa dals 1.avuost,serenadas, nozzas d'argient e d'or da commembers activ.s-etc.).
- d) Sün dumanda po decider il cor da's participar eir a cults divins ed ad oters arrandschamaints. La partecipaziun and es facultativa e nu quinta per la statistica.

## **VIII. Schoglimaint da la societad**

**Art.24** Fintaunt cha och commembers activs faun part a la societad, nu po medemma gnir resguardada scu scholta. In cas da schoglimaint cumplet nu paun ne la facultad ne eventuels fuonds gnir spartieus u alienos ma haun da gnir depositos in büro comunel fin al mumaint cha, in basa a prestaziuns cumpruedas da sia activited, üna nouva societad da chaunt cul nom *Cor mixt da Samedan* as constituescha.

## **IX. Dispusiziuns finelas**

**Art.25** La revaisa dals statüts po seguir cur cha saja, scha la societad decida quetaunt cun magiurited da vuschs in occasiun da la radunanza generela. Propostas in merit sun dad inoltrer per temp a la suprastanza.

Quists preschaints statüts substitueschan quels dals ans 1878, 1882, 1900, e 1941 cullas decisiuns complementeras protocolledas.

**Art.26** Quists statüts sun gniesu approvus da la radunanza generela ordinaria dals 24 october 1990 ed aintran dalum in vigur.

Tuot ils noms d'uffizis druvos illa fuorma masculina dessan gnir inclets in lur sen eir illa fuorma feminina.

Samedan

als 29 october 2003

In nom da la suprastanza:

La presidenta: Sonja Stuppan  
Per ils statüts: Duri Zisler